

# *DILO TŠEO DI BEGO DI SE*

## *BJALO GO TLOGA MATHOMONG*

♪ ...a matšatši a Gagwe, go ruta dilo tše di bego di se bjalo. Ke a nagana ge A ka tla lehono, O tla hwetša selo sa go swana: dilo tše di bego di se bjalo go tloga mathomong. Ge ka mehla le nyaka go tseba se e lego therešo, eyang morago mathomong. Eyang morago go Genesi, gomme le ka tšeа tumelothoko ye nngwe le ye nngwe le therešo ye nngwe go tloga lehono. Feela... Dimela tšohle di thoma ka go Genesi, gobane Genesi ke tema ya peu ya Beibele. Gomme ge re nyaka go tseba se e lego nnete, eyang morago go tloga mathomong.

<sup>2</sup> Go no swana le ge ke be ke leka go bolela bošego bja go feta, ge Modimo gatee a dira setatamente, A ka se tsoge a fapanā go tšwa go setatamente seo. O swanetše go se boloka tsela yohle go kgabola. Se A se boletšego ka go Genesi ke selo sa go swana ka go Kutollo, le tsela yohle go kgabola. Yena ke Modimo, gomme seo ke ka moka. Le a bona? Gomme Mantšu ohle a Gagwe ke therešo.

<sup>3</sup> Bjale, re hwetša gore ge Jesu a tlie, O hweditše barutiši bao ba tšerego Lentšu la Modimo gomme ba Le fapošitše ka gare, go swanelā bonabeng. Ba tšere melao ya Modimo gomme ba E fapošeditše ka go thutotumelo.

<sup>4</sup> Bjale, elelwang, go ne Mohlodi o tee feela, gomme tšohle... Sathane ga se mohlodi. *Sebe* ke eng? *Sebe* ke “goseloke,” gomme *goseloke* ke “toko ye e fapošitšwego.”

<sup>5</sup> Mohlomongwe ke tla e dira e hlakehlaki. Bona ba... Le phuthego ye e tswakanego. Wena theetša ngaka ya gago; ke nna ngwaneno. Go monna go phela le mosadimogatša wa gagwe ke toko. O mo nyetše. Tiro ya go swana le mosadi yo mongwe ke lehu. Yo motee o tliša bophelo, yo mongwe ke lehu. Le a bona? *Goseloke* ke “toko ye e fapošitšwego.” *Maaka* ke eng? Ke “therešo ye e sego ya bewa gabotse.”

<sup>6</sup> Kafao seo ke se Jesu a se hweditšego. Gomme se bohole ba rena re tla tsenago ka go sona, ge feela re tloša le go oketša, goba re tloša go Lentšu la Modimo, ke go fapoša Lentšu la Modimo.

<sup>7</sup> Kafao ge Jesu a etla, O hweditše gore ba tšere Lentšu la Modimo gomme ba Le fapošitše, gomme ba dirile motlwae wa motho. Gomme O rile, “Gobaneng lena ka tša lena dit... fetola Lentšu la Modimo?” Ka go tšeа ditšo tša bona, le go fetola Lentšu la Modimo, go Le dira gore le bolele se sengwe seo ka nnete Le sego la se bolela.

<sup>8</sup> Re hwetša gore O hweditše seo ka letšatšing la Gagwe, gomme O tla se hwetša fa lehono. Gomme Yena, ka Bogoneng, goba, ka go Motho wa Moya wo Mokgethwa, Modimo yo a swanago yo ka mehla a bego a le gona, a dula ka go batho ba Gagwe ka sebopego sa Moya wo Mokgethwa, e hlatsela ntle ka modumedi wa therešo, monna yola o fapoša Lentšu la Modimo go swanela thutotumelo ya bona, sebakeng sa go dira thutotumelo ya bona go lekanela Lentšu la Modimo.

<sup>9</sup> Ke nyaka yo mongwe go hwetša Thutotumelo ya Baapostola ka Beibeleng, bjalo ka ge re e bolela lehono, "Ke dumela go kereke ye Kgethwa ya Katoliki ya Roma, kopanelo ya bakgethwa." Eng kapa eng e boledišanago le bahu ke sememoya. "Go na le Mmoelanyi yo motee feela gare ga Modimo le batho, Motho Kriste Jesu." Yeo ke phetho. Ga go na mmoelanyi yo mongwe. Kafao e ka ba eng...Ba fapoša dilo, go dira Thutotumelo ya Baapostola.

<sup>10</sup> Ge moapostola a bile le thutotumelo e ka ba efe, e be e le Ditiro 2:38. O—o bile...seo ke se ba se rerilego kgafetšakgafetša le—le go rothothela ka go batho. Ba swanetše tshokologo go leba go Modimo le go ya pele. Ke gore, ge go na le thutotumelo e ka ba efe ka Beibeleng, yeo e tla ba yona, yeo baapostola ba e šomišitšego.

<sup>11</sup> Kafao ba...mesepelo yohle ya bona ya Moya wo Mokgethwa e dutše le Lentšu. Gomme ge motho e ka ba mang, goba morongwa, a kile a bolela e ka ba eng kgahlanong le Lentšu, Bagalatia 1:8 e rile, "A ebe morogwa." E swanetše go ba Lentšu la Modimo.

<sup>12</sup> Paulo o rile, "Ge morongwa go tšwa Legodimong a etla go lena ka ebangedi e ka ba efe ye nngwe go feta ye le šetšego le se kwele, a be morogwa." Kafao re dumela gore magodimo le lefase di tla feta, eupša Lentšu la Modimo le ka se fete, gobane Lentšu ke Modimo. Modimo a ka se fete. Tlholo e tla feta, eupša Modimo a ka se kgone go feta.

<sup>13</sup> E sego lefelo la metlae, phuluphithi ga se lefelo la metlae. Ke nagana gore Lentšu la Modimo le swanetše go rerwa go tšwa mo ka potego ya—ya pelo, gomme re swanetše go e elelwa. Eupša go no bolela gore, go dira ntlha ye, mantshwanyane wa kgale, mo felotsoko ka Borwa, nako ye nngwe o e dirile setatamente, o rile, "Bokaone a eme go Lentšu la Modimo go feta go ema ka Legodimong." Ba mmotšišitše gobaneng. O rile, "Gobane bobedi Legodimo le lefase di tla feta, eupša Lentšu la Modimo le ka se ke." Yeo ke nnete. Re swanetše go dula go Lentšu.

<sup>14</sup> Jesu, ge A tlile, O rile, "Moshe ka baka la bothata bja pelo ya lena o le dumeleše tlhalo go tšwa go mosadimogatša wa gago: eupša go be go se bjalo go tloga mathomong." Bjale, re hwetša gore ba tla tše melao ya Modimo gomme ba e dira go hloka maatla.

<sup>15</sup> Ge Jesu a tlie, O hweditše batho ba lebeletše go kereke bakeng sa phološo. Ba hweditše eng? Dithutotumelo; kerekeleina ye nngwe le ye nngwe e dira thutotumelo ya yona mong. Gomme ka gona seo ke se A hweditšego batho ba itshamile godimo ga kereke bakeng sa phološo; gomme ba hweditše dithutotumelo tša madirwakemotho.

<sup>16</sup> Gomme ge A etla lehono ka Motho gomme a bolela le rena, O tla hwetša selo sa go swana: motho a dira Lentšu la Modimo go swanela kerekeleina ya bona, a ba fa dithutotumelo. Gomme ga go phološo ka go thutotumelo, ge e se Beibele. E swanetše go ba Beibele, ka gore Lentšu la Gagwe ke... sohle re se hlokago, ke Lentšu la Gagwe. Gomme Lentšu la Gagwe, ge A le Lentšu, Lentšu la Modimo ke Modimo. Yeo ke phetho. Ke Lentšu la Gagwe, ka Boyena. Yena o... “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo.” Gomme Lentšu e sa le Modimo. E sa le Modimo.

<sup>17</sup> Bjale, re hwetša gore ge A etla, O hweditše batho, nako yela, ba tše melao ya Modimo gomme ba e dira ya lefeela, ka go tšeeng melao ya Modimo, gomme ba e swanetše go dikologa go swanela dithutotumelo tša bona, kafao e be e le ya lefeela. Gomme kereke e lebeletše... Batho ba lebeletše go kereke sebakeng sa go lebelela go Lentšu la Modimo. Kafao kagona, O rile, “Go be go se bjalo go tloga mathomong.”

<sup>18</sup> Re e hwetša go swana lehono, bjalo ka ge ke tsopotše makga a mabedi goba a mararo mosong wo, gomme ke bogetše sešupanako sela, se ntira go tshoga, kafao ke—ke nyaka go bolela se le ge, gore, “Ye ke therešo.” Ka gona ka letšatšing lela bjalo ka ge go le bjale, gomme bjale bjalo ka ge go bile nako yela, ba goelela ntle, “Modimo o kae?”

<sup>19</sup> Gabotse, sona selo, seo, ba tlogetše Modimo ge ba tlogetše Lentšu la Gagwe. Ke ka baka leo re nago le dilo ka tsela ye re dirago lehono, ke ka gobane batho ba tlogetše Lentšu la Modimo.

<sup>20</sup> Ge ngaka a ngwadile formula, taelotšhomio, gomme o okeditše se sengwe go yona, goba o tšere ye nngwe go tloga go yona, o tla bolaya molwetši wa gago. Yeo ke nnete. O swanetše go e boloka feela ka tsela ye e ngwadilwego. Go na le moupo wo o lekanego fao go palediša mpholo, mpholo wo o lekanego go bolaya twatši. Gomme mpholo wo montši ka go yona ntle le moupo o tla bolaya molwetši; le—le moupo wo montši kudu ntle le mpholo, e tla dira eng? E ka se thuše molwetši wa gago. Kafao o swanetše go e boloka gabotse.

<sup>21</sup> Gomme yeo ke tsela ye Lentšu la Modimo le lego. Ke Taelotšhomio ya Modimo. Ee, ngwanešu. Ke Taelotšhomio ya Modimo go batho ba Gagwe go fodiša bolwetši bjo bongwe le bjo bongwe, mokomane wo mongwe le wo mongwe. Sebe le nameng, e ka ba eng se ka bago, sohle se kopane ka go Lentšu la Modimo. Amene. Ke Lentšu la Modimo. Go be go le bjalo mathomong; Go

be go le bjalo lebakeng la magareng; Go bjalo lebakeng le lengwe le le lengwe; gomme Go bjalo mosong wo, feela go swana le ge Go bile ge A Le boletše, ka gore Le ka se aroge tshetlana e tee, ka gobane Ke Lentšu la Modimo.

<sup>22</sup> Gona batho lehono, ga go makatše ba goeletša: “Matšatši a mehlolo a fetile. Ga go na selo se bjalo bjalo ka phodišo Kgethwa.” Gobaneng ba e dira? Ka gore ba tsere Lentšu la Modimo gomme ba dirile thutotumelo ya bona e phuthetšwe godimo ka go lona, gomme ba hlakanya selo ka phošo. Gomme ga ba ne maatla ka kua. Ge morongwa, pišopo, mopišopomogolo, goba e ka ba eng e ka bago, a etla gomme a fetola Lentšu le tee, go tla fetola Taelotšhomiso yohle. A re duleng tlwa se E se boletšego. Se Modimo a se boletšego, a re E tlogeleng thwi ka mokgwa woo.

<sup>23</sup> Dikereke di ile lehono. Ba tlogeletše ka mantladima felotsoko, go dira mekgatlo, go dira dikerekemaina, go tliša batho ka morago ga dithutotumelo sebakeng sa ka morago ga Kriste. Ga ke nyake thutotumelo eupša Kriste, e sego molao eupša lerato, gomme e sego puku eupša Beibele. Seo ke tlwa se re nago le sona: Yeo ke Thutotumelo ya Modimo, Ke Taelotšhomiso ya Modimo. Ke Moupo wa Modimo bakeng sa sebe. Ke Moupo wa Modimo bakeng sa phodišo ya rena, gomme Ke—Ke maatla a Modimo a dirilwe go bonagatšwa go rena, ge re tsea Lentšu ka maphelong a rena.

<sup>24</sup> Bjale, re hwetša gore ba a araba, ba goelele morago, “O kae Modimo wa Moshe?” Lebaka le Moshe a dutšego le Modimo le dilo e bile, Modimo o be a latela taelotšhomiso ya Moshe, Moshe o be a latela Lentšu la Modimo. Ka tsela yeo Petro, Jakobo, le Johane ba opilego kgomo lenaka nako ye nngwe le ye nngwe, ka lebaka la gore ba—ba latetše Lentšu.

<sup>25</sup> Fa nako ye nngwe ya go feta . . . Yo mongwe le yo mongwe o a tseba ke rata senepša, le go thunya, le go ya pele. Gomme ke bile le Mmotlolo 70 wo monnyane wa Winchester. Ke eme ntile, gomme go dikgato tše masometlhano, lefelong la go thunya senepša, ke hlahlletše dikolo tše seswai ka lešobeng la go swana, ka dikgato tše masometlhano. Gomme e tšwetše ntile gannyane nthatana, go thunya. O swanetše go se bapadiša le go se lokiša. Gomme ke rata go dira seo, mohuta wa go fedisa megalatšhika ya ka. Gomme yela e tšwile. Ga se ke kgone go e lokela. Ke naganne e nyakile go beakanywagape.

<sup>26</sup> Ke e rometše morago go Khamphani ya Winchester. Ba rometše morago, gomme ba rile, “Oo, Ngwanešu Branham, goba, Mna. Branham,” ba rile, “ge . . . Winchester yela ke ye nngwe ya tše kaonekaone.” Ba rile, “E tla kgoba intšhi ka dikgato tše masometlhano, ka dikgato tše masomepedi tlhano, ke ra go re, intšhi ka dikgato tše masomepedi tlhano.” O rile, “Yeo ke ye bokaonekaone o ka tsogego wa e hwetša.”

<sup>27</sup> Ke tsebile go fapana. Ke tsebile dikgato tše masometlhano ke hlahletše ditheke tša go otloga ka yona. Kafao ke tsebile gore seo e be e le phošo. Bjale, yeo ke tsela . . . Gomme ga se ka kgona go khutša go fihla ke e hwetša morago. Bjale, e tla dira selo sa go swana.

<sup>28</sup> Bjale, ga ke yo mongwe wa batho ba bao ba ratago go betha le go rathagana, “Kereke e bolela bjalo, kafao a re no dulang le yona.” Ge baapostola, ka Lentšu la Modimo, ka melao ya Modimo, ka Moya wo Mokgethwa wa go swana re nago le wona, ba kokotetše ditheke go phodišo Kgethwa, go maatla a Modimo, ge re ka dula le yona, re a tseba e bjalo kafao, kafao dula go fihla re e korola, ke pheto, gobane re a tseba e kile ya dira.

<sup>29</sup> Go bjang, “matšatši a mehlolo a fetile,” le “Jesu Kriste wa go swana maabane, lehono, le go ya go ile”? Modimo a ka kgona bjang go hwa yo a tsogilego gape, gomme a phela go ya go ile? Re ka kgona bjang go e dira go thutotumelo, mola Modimo a se ne thutotumelo?

<sup>30</sup> Modimo ke Motho. Modimo o dula ka gare ga Kereke ya Gagwe, gomme wena o Kereke ya Gagwe. Ge o tswetšwe gape, gomme wa tlatšwa ka Moya wo Mokgethwa, o Kereke ya Modimo. Modimo o dula ka go wa gago . . . O kopanela le wena. Ge Modimo a theogile, o dirilwe nama gomme o dutše magareng ga renal, O dirile eng? O—O phatlaladitše tente ya Gagwe magareng ga motho. O—O tshetše boraloki bja Gagwe go tloga go Modimo go ba motho, gore motho a be bjalo ka Yena. Oo, O bile nna, gore ka mogau wa Gagwe ke be Yena.

<sup>31</sup> Oo, a selo se segolo. Re ka se tsoge ra kwešiša se e bego e le sona. Ga go makatše batho ba a bitša lehono, “Modimo o kae?” Boelang morago go Lentšu. Boelang morago mathomong.

<sup>32</sup> Mathomong O rile go barutiwa ba Gagwe, “Eyang lena ka go lefase lohle, gomme le rere Ebangedi. Maswao a a tla latela bona ba ba dumelago.” E be e le yona. Boelang morago go Lentšu lela la go swana gomme Le tla tšweletše selo sa go swana. Ba latetše Lentšu lela, gomme Le korotše gomme la kokotela ditheke. Theke ye nngwe le ye nngwe, tshepišo ye nngwe le ye nngwe yeo Modimo a e dirilego, e bonagaditše.

<sup>33</sup> Ge re ka ya morago go Lentšu lela le swanago, Le tla kokotela ditheke tše di swanago, la dira mehlolo ye e swanago, la dira dilo tše di swanago, la dira bophelo bja go swana, la dira sebopša sa go swana, la tsoša bahu, la fodiša balwetši, la lelekela bodiabolo ntle, la bona dipono, la profeta. Ke Ebangedi ye e swanago ye e kokotetše theke nako yeo, ge re ka ya morago go ye e swanago.

<sup>34</sup> Boka, go tliša sethunya morago ka go seemo sa go swana se bilego lefelong la pele, meroromelo yohle ka ntle ga sona, se tla korola kolo yela thwi ka go otloga. Gomme ge re hwetša diphapano tšohle tša gosedumele go renal, Lentšu la Modimo le tla korola feela tlwa le bilego mathomong a pele. Yeo ke nnete

tlwa. E tla lebanya nako le nako. E dirile gatee; E tla e dira gape. Le se kgotsofatšwe ke thutotumelo goba se sengwe. Dulang thwi fale go fihla Lentšu le korola.

<sup>35</sup> E nkgopotša nako ge mme le tate, goba, tate e sego wa madi wa Morena wa rena Jesu o Mo išitše godimo moketeng wa Pentecostal. Gomme ba ile leeto la matšatši a mararo, gomme—gomme mafelelong ba Mo timeditše. Ga se ba—ga se ba konga go Mo hwetša.

<sup>36</sup> Ke ka tsela yeo kereke e ilego bjale. E ile bontši . . . e sepetsé e ka ba leeto la mengwaga ye dikete tše pedi, gomme e Mo timeditše. Še yona. Go na le maswao mogohle a tšwelelago a go Tla ga Gagwe, gomme ba re, “Modimo o kae? Modimo o kae? Go diragetše eng ka Yena?”

<sup>37</sup> A le hlokometše? Maria le Josefa ba Mo nyakile magareng ga meloko ya bona, eupša ga se ba Mo hwetša. Lehono re ya morago go bona ge eba Mamethodist ba ne Yena, Mabaptist a ne Yena, Mapresbyterian, goba Malutheran. Aowa, mohlomphegi, ga se ba ke ba Mo hwetša. Le bile re ka se Mo hwetše lehono. Ga go kgathale re leka gakaakang go ya morago le go tsošološa ye nngwe ya tšona tša kgale, dikerekemaina tša go hwa, re ka se tsoge ra e dira.

<sup>38</sup> Ba Mo hweditše kae? Moo ba Mo tlogetšego. Haleluya! Le nagana ke mopshikologimokgethwa; ke a thanka ke yena. Le tla Mo hwetša feela boka ba dirile: moo ba Mo tlogetšego. Moo ba Mo tlogetšego, ke moo ba Mo hweditšego. Ke moo kereke e tla Mo hwetšago.

<sup>39</sup> Ba Mo tlogetše kae? Moketeng wa Pentecostal. Kereke e tla Mo hwetša kae? Morago moketeng wa Pentecostal, moo ba Mo tlogetšego ge ba gogetše kgole go tloga go thuto ya baapostola le go ya pele. Morago ka go wona mabaka a pele morago kua, ba gogile go tloga go yona le go bopa dithutotumelo tša bona beng, gomme ba thomile thuto ya Banikolaite, ba bopile kereke ya Katoliki, ba beakantše bodumedi bja—bja seo se bitšwago bodumedi bja Bokriste. Gomme go tloga fao ba kgatlofaditše, le go roba fase dilo, le go tliša Bakriste bohole ka dithutotumelong, le go ya pele, le go e hlakanya yohle go fihla e no ba togotogo ya go swana yeo A e hweditšego ge A etla. Ke tlwa.

<sup>40</sup> Morago mathomong moo re Mo tlogetšego, ge A be a le yo maatla, ge A tsošitše bahu, le go fodiša balwetši, le go lelekela bodiabolo ntle; yeo ke thwi morago mathomong, moo re Mo tlogetšego.

<sup>41</sup> Ba re, “O kae? A O ne Mamethodist? A O ne Mabaptist?” Goba ebile, “A O na le Pentecostal?” Aowa, mohlomphegi. Eya morago go ya setl . . . e sego mokgatlo wa Pentecostal, kerekeleina ya Pentecostal, leo ke leina. Ke mang a ka go kgatlofatša Pentecost? Mpotseng. Pentecost ga se mokgatlo. Pentecost ke boitemogelo go modumedi e ka ba mang yoo a nyakago go bo

amogela. Morago go boitemogelo, e sego morago go mokgatlo, eupša morago go boitemogelo. Pentecost ke boitemogelo.

<sup>42</sup> A ke le botšeng se sengwe. Le lebelela dikenywa tše dikereke tša Pentecostal di di enywago lehono, le tla hwetša ga se ba thoma go tloga mathomong: ba ngangišana, ba baka, ba omana, godimo tlase, ba goga bakeng sa *se*, le go goga bakeng sa *sela*. Jesu o boletše ka go Johane 14, goba Johane 15, “Ke nna Morara, lena le makala.” A yeo ke nnete?

<sup>43</sup> Bjale, lena balemi, lena ba Matexan, ba Malouisiana, le e ka ba eng le lego fa, yo mongwe le yo mongwe yo a nago le kgopoloo ya go tlwaelega, yo a kilego a bona morara o gola, o tsebile gore morara ga o enywe kenywa. Makala a morara ke wona a enywago kenywa, eupša le hwetša bophelo bja lona go tšwa go morara. Jesu ke mothopo wa rena wa Bophelo. Ee, mohlomphegi. Bjale, re tla hlokomeila, gona, ge Jesu a le mothopo wa Bophelo bja rena, gona ke Yena Morara wa therešo. Bjona bophelo bjo bo lego ka go morara bo ka go lekala. Gomme ge morara wola o hloga lekala la pele, gomme lekala leo ke, mokgotho wa diterebe o tla pele go lona, ge o ka tsoge wa hloga lekala le lengwe, e tla ba mokgotho wa diterebe. O tla tšweletša lekala le lengwe, e tla ba mokgotho wa diterebe. Gomme e tla ba mohuta wa go swana wa lekala pele go ya bofelong bja morara. O Modimo.

Bjale ke hloka seripa sa iri sa ka; go no ba komana go e betha. Amene.

<sup>44</sup> Nako le nako ge morara wola o hloga lekala, le tla ba bjalo ka lekala la pele. Gobaneng? Ka gobane bophelo bjo bo lego ka go morara bo tla tšweletša mohuta wa go swana wa lekala. Ge morara wa pele o tlišitše diterebe, wa go latela o ka se tliše mafodi. Wa go latela o ka se tliše kenywa ya siterase. Gomme ka gona, morago ga lebakana, pele go theoga ka mokgwa woo, o ka se e dire.

<sup>45</sup> Ge Morara wa therešo o hloga lekala, gomme ge . . . Jesu ke Lekala la pele, goba, Morara. Gomme lekala la mathomo le le tšweleditšwego, ba ngwadile Puku ya Ditiro ka morago ga lona. A ke nnete? Kereke ya Pentecostal, kereke ya kgonthe ya Pentecostal, gomme ge ngwadile Puku ya Ditiro, ka maswao le matete a latela modumedi. Ge Morara wola wa therešo ka kgonthe o tšweletša lekala le lengwe la therešo, ba tla ngwala puku ya Ditiro morago ga lona. Ee, mohlomphegi.

<sup>46</sup> Mo ka Arizona e sego telele go fetile, ke be ke lebeletše mohlare ka serapeng sa monna: mohlare wa siterase. O bile le mehuta ye senyane ya go fapania ya kenywa godimo ga mohlare o tee. E be e le. Ye nngwe le ye nngwe ya tšona e be e le kenywa ya go fapania. E be e le mohlare wa monamune sa mathomo, eupša o bile le digarenate; o bile—o bile le diswiri; o bile le dipapalamone; yohle mohuta wa go fapania wa kenywa ya sitrase. Ka baka la eng? E be e hlomeseditšwe ka kua. E be e phela go

tšwa bophelong bja mohlare wola, eupša ga se e kgone go tliša selo eupša se e bego e le sona. Ga se ekgone go tliša dinamune, gobane ke morara wo o hlomeseditšwego. Eupša nako le nako ge mohlare wola o tšweleeditše lekala la therešo go tšwa go wona mong, e be e le mohlare wa monamune, le dinamune o bego o di enywa.

<sup>47</sup> Yeo ke tsela lehono. Re hlomeseditše Methodist, Baptist, merara ya Presbyterian ka go Morara wa therešo, le go phela ka maatla a Wona. Eupša e ka se kgone go enywa selo eupša dithutotumelo le kerekeleina. Eupša ge Morara wola o ka tsoge wa hloga lekala le lengwe, e tla ba kerekeinamohlakanelwa, e maatlafaditšwe ke Moya wo Mokgethwa, feela tlwa boka go bile ka Letšatši la—la Pentecost; morago mathomong. Amene.

Bokaone ke tlogele. Amene.

<sup>48</sup> Ge Morara wola o ka tsoge wa hloga lekala le lengwe, go tla no ba boka go bile kua mathomong. Re hlomesetša mehuta yohle ya dithutotumelo tša kereke ka go yona: Baptist, Methodist, Pentecostal, Presbyterian, Lutheran, Baptist; gomme tšona ye nngwe le ye nngwe e enywa kenywa ya Baptist, kenywa ya Methodist, kenywa ya Pentecostal, le se sengwe le se sengwe gape. Eupša ge o etla morago, ge Morara wola o ka tsoge wa tšweletša lekala le lengwe la therešo, le tla enywa kenywa ya Moya wo Mokgethwa. Amene. Le tla . . .

Ba re, “Gabotse, rena re Mamethodist.”

“Go be go se bjalo go tloga mathomong.”

“Re Mabaptist.”

“Go be go se bjalo go tloga mathomong.”

“Re Mapresbyterian.”

“Go be go se bjalo go tloga mathomong.”

“Ga re dumele go boleleng ka maleme.”

“Go be go se bjalo go tloga mathomong.”

“Ga re dumele go phodišo Kgethwa ka kerekeng ya rena.”

“Go be go se bjalo go tloga mathomong.” Haleluya! Se re se hlokago lehono ke se sengwe morago mathomong gape, morago go mathomo. Haleluya!

Nako ya ka e fedile. A re rape leng.

<sup>49</sup> Morena Jesu, oo, a nke ke phele go bona letšatši leo kereke e yago morago mathomong. E fe, Morena. Tlatša lefelo le lennyane le mosong wo. Maatlafatša modiša yo monnyane yo mo, Morena, le ba bangwe ba. Re fe letago la Gago. Re fe mogau wa Gago. Re fe kopano fa, Morena.

<sup>50</sup> A re lebaleng ka dilo tše dingwe le go ya morago mathomong, ka gore re a tseba gore Mong wa rena o bolela ka dipeleng tša rena mosong wo, “Tloša merara ye e hlomeseditšwego kgole

go tloga fao. Ikaroganye wenamong go tloga go gosedumele. Eya morago mathomong. Ke moo go bego go le bjalo.” Gomme, Morena, re nyaka se sengwe le se sengwe bjalo go tloga mathomong.

<sup>51</sup> Morena, a nke boitemogelo bja rena, ge re se ra ke ra ba le bjona go fihla mosong wo . . . Ge go na le yo mongwe a dutšego fa yoo a sa nkago a ba le boitemogelo bjola bja mathomo bja Moya, le go ba le Moya wola wa go swana wo o tšolletšego ntle mathomong, gobaneng re swanetše go tšea kemedi? Gobaneng re swanetše go tšea se sengwe sa bohlanya? Gobaneng re swanetše go tšea ye nngwe ya legwaragwara, ya go tonya, ya go itlhopha, thutotumelo ya go hloka phapano, ge mafaufau a Pentecostal a tletše ka athekele ya kgonthe ya mmapale? Gobaneng re tšea kemedi?

<sup>52</sup> Morena, a re yeng morago mathomong, gomme re e amogele boka ba dirile kua mathomong, le go ba le mediro ya go swana, maswao, matete ao a enywago kenywa ya go swana: lerato, thabo, khutšo, pelofalo, bobotse, bonolo, boleta, kgotlelelo. Modimo e fe. Re kwe, Tate, ka gore re gafela kereke ye nnyane ye le tsošeletšo ye go Wena ka seatleng sa Gago, Leineng la Jesu Kriste. Amene.

Modimo a le šegofatše. Ke hloya go swanela go kitima, eupša ke ka morago ga lesometee bjale. Ke tla le bona bošegong bjo. Lebogang . . .



*DILO TšeO DI BEGO DI SE BJALO GO TLOGA MATHOMONG* NST61-0119M  
(Things That Wasn't So From The Beginning)

Molaetša wo ka Ngwanešu William Marrion Branham, setlogong o abilwe ka Seisimane ka Labone mosong, Janaware 19, 1961, ka American Legion Hall ka Beaumont, Texas, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)